



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Broj: 03-45-10844/23
Sarajevo, 01. 11. 2023. godine

Na osnovu člana 70. Zakona o organizaciji organa uprave u F BiH („Sl. novine F BiH“ br. 35/05), u vezi sa članom 70. stav (1) i stav (3) Zakona o javnim nabavkama Bosne i Hercegovine („Sl. glasnik BiH“ br. 39/14 i 59/22), nakon provedenog pregovaračkog postupka bez objave obavještenja za javnu nabavku radova iz člana 24. stav (1) tačka a) i 28. stav (1) Zakona o javnim nabavkama BiH („Službene novine“ br. 39/14 i 59/22), koji opravdavaju korištenje ovog postupka i preporuke Komisije za javnu nabavku iz Zapisnika o pregledu i ocjeni početne i konačne ponude broj: 03-45-10732/23 od 31. 10. 2023. godine, direktor Zavoda za izgradnju KS donosi

ODLUKU **o izboru najpovoljnijeg ponuđača**

1. Dodjeljuje se ugovor za **“Dodatni i nepredviđeni radova na adaptaciji poslovnog prostora Breka”** ponuđaču „**M.D.I. d.o.o. Sarajevo**“ nakon provedenog pregovaračkog postupka iz člana 24. tačka a) i člana 28. stav (1) Zakona o javnim nabavkama BiH („Sl. glasnik BiH“ br. 39/14 i 59/22), obzirom da je ponudio najnižu cijenu prihvatljive ponude u skladu sa članom 64. stav (1) bačka b) Zakona o javnim nabavkama BiH („Sl. glasnik BiH“ br. 39/14 i 59/22).
2. Vrijednost ugovora po prihvaćenoj konačnoj ponudi broj: 111/2023 od 25.10.2023. godine iznosi **14.641,88 KM** bez PDV-a, odnosno **17.131,00 KM** sa PDV-om.
3. Sredstva za realizaciju ovog ugovora su iz Programa utroška namjenskih sredstava Zavoda za izgradnju KS za 2023. godinu.
4. Ova Odluka stupa na snagu danom donošenja i objavit će se na web-stranici <http://zik.ks.gov.ba> Zavoda za izgradnju Kantona Sarajevo.

O b r a z l o ž e n j e

Na osnovu zahtjeva/prijedloga Sektor za izgradnju objekata i opremanje gradskog građevinskog zemljišta - Službe za pripremu investiciono - tehničke dokumentacije broj I-03-INTERNO-500/23 od 09. 10. 2023. godine za provođenje pregovaračkog postupka bez objave obavještenja za: **“Dodatni i nepredviđeni radova na adaptaciji poslovnog prostora Breka”** utvrđeno je da je isti osnovan. Donesena je Odluka o pokretanju postupka postupka javne nabavke putem pregovaračkog postupka bez objave obavještenja broj: 06-45-10086/23 od 12.10.2023. godine u skladu sa članom 24. tačka a) Zakona o javnim nabavkama BiH, prema kojem se ugovor o javnoj nabavci radova može zaključiti u pregovaračkom postupku bez objave obavještenja u slučaju kada dodatni radovi koji nisu bili uključeni u prvobitno razmatrani projekat ili u prvobitno zaključeni ugovor, ali koji usljed nepredviđenih okolnosti postanu neophodni za izvršenje ili izvođenje, i kada se takvi dodatni radovi ne mogu tehnički ili ekonomski odvojiti od osnovnog ugovora bez većih nepogodnosti za ugovorni organ, takav ugovor može se zaključiti sa dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20 % od vrijednosti osnovnog ugovora.

U skladu sa članom 28. stav (1) Zakona o javnim nabavkama BiH, prema kojem ukoliko je na osnovu uslova za izbor pregovaračkog postupka bez objave obavještenja o nabavci propisanih u čl. 21. do 24. Zakona o javnim nabavkama moguće, postupak se vodi s jednim ponuđačem uz poštivanje principa ovog zakona.

Obzirom da je „M.D.I.“ d.o.o. Sarajevo izvođač radova po osnovnom ugovoru za **„Izvođenje radova na adaptaciji poslovnog prostora -Breka“** (br. 06-45-7175/23 od 18.07.2023.g. ukupne vrijednosti 74.929,17 KM bez PDV-a/ 87.667,13 KM sa PDV-om), i da je u toku realizacije ugovora došlo do određenih nepredviđenih okolnosti, usljed kojih je neophodno izvođenje dodatnih radova, koji se tehničko - tehnološki ne mogu odvojiti od osnovnog ugovora radi krajnje funkcionalnosti i tehničke ispravnosti objekta, Ugovorni

organ je uputio Poziv za dostavljanje zahtjeva za učešće /početnu ponudu za predmetne dodatne radove ponuđaču „M.D.I.“ d.o.o. Sarajevo.

Tendersku dokumentaciju (zahtjev za učešće i početnu ponudu) za predmetne dodatne radove, Ugovorni organ je objavio na službenoj web stranici Zavoda za izgradnju Kantona Sarajevo, odnosno tendesku dokumentaciju učinio dostupnom za sve zainteresovane kandidate/ponuđače.

Zahtjev za učešće /početnu ponudu dostavio je jedan ponuđač: „M.D.I.“ d.o.o. Sarajevo dana 20. 10. 2023. godine.

Komisija za javnu nabavku, imenovana Rješenjem broj: 06-45-10147/23 od 16. 10. 2023. godine, se sastala dana 20.10.godine u 12:00 sati. Pregledom početne ponude Komisija je utvrdila da je ista ovjerena i potpisana. Početna ponuda broj: 111/23 od 17.10.2023. godine, zaprimljena je na protokolu Zavoda pod brojem: 11-10444/23, 20.10.2023. godine, na iznos od 15.094,73 KM (bez PDV-a), popust od 3% iznosi 452,85 KM, te ponuda iznosi 14.641,88 KM (bez PDV-a sa popustom), odnosno 17.131,00 KM (sa popustom i PDV-om). Pregledom Početne ponude, Komisija je utvrdila da ista sadrži sve priloge (1,2,3,4,5,6,7) zahtjevano tenderskom dokumentacijom, sa ovjerenim kopijama dokumenata iz člana 45. stav (1) tačka a) do d) Zakona o Javnim nabavkama, listu osiguranih lica i Rješenje i registraciji.

Dopisom broj: 06-45-10506/23 od 23.10.2023. godine, Komisija je pozvala ponuđača firmu „M.D.I.“ d.o.o. Sarajevo na pregovore dana 24.10.2023. godine u 13:00 sati, vezano za tehničke uvjete na lokaciji izvođenja i ponuđenim jediničnim cijenama za predmetnu ponudu. Dana 24.10.2023. godine održani su pregovori između Komisije za javnu nabavku i ponuđača, firme „M.D.I.“ d.o.o. Sarajevo, o čemu je sačinjen Zapisnik sa pregovora broj: 03-00-10656/23 od 26. 10. 2023. god. Ponuđaču „M.D.I.“ d.o.o Sarajevo je na pregovorima data tenderska dokumentacija za dostavu konačne ponude.

Dana 25.10.2023. godine ponuđač „M.D.I.“ d.o.o. Sarajevo je dostavio konačnu ponudu broj: 111/2023 od 25. 10. 2023. godine (zaprimljena na protokol Zavoda pod brojem 11-10679 od 25. 10. 2023. godine) na iznos 15.094,73 KM (bez PDV-a), popust od 3% iznosi 452,85 KM, te ponuda iznosi 14.641,88 KM (bez PDV-a sa popustom), odnosno 17.131,00 KM (sa popustom i PDV-om)

Komisija je konsatovala da je vrijednost početne ponude jednaka vrijednosti konačne ponude, da sadrži sve dokumente tražene tenderskom dokumentacijom, te da je konačna ponuda prihvatljiva i da je u okviru procijenjene vrijednosti i osiguranih sredstava.

Komisija je sačinila Zapisnik o pregledu i ocjeni početne i konačne ponuda broj: 03-45-10732/23 od 31. 10. 2023. godine u kojem je dala preporuku direktoru Zavoda za izgradnju Kantona Sarajevo da u skladu sa članom 24. tačka a) Zakona o javnim nabavkama BiH („Sl.glasnik BiH“ br. 39/14 i 59/22), donese Odluku o izboru najpovoljnijeg ponuđača za “Dodatni i nepredviđeni radovi na adaptaciji poslovnog prostora Breka“, i dodjeli ugovor ponuđaču „M.D.I.“ d.o.o. Sarajevo po konačnoj ponudi broj: 111/2023 od 25. 10. 2023. godine te da zaključi ugovor za predmetne radove na iznos **14.641,88 KM** (sa popustom bez PDV-a), odnosno **17.131,00 KM** (sa popustom i PDV-om), obzirom da ukupna vrijednost ugovora ne prelazi 20% od vrijednosti osnovnog ugovora.

Sastavni dio ove Odluke je Zapisnik o pregledu i ocjeni početne i konačne ponude u pregovaračkom postupku bez objave obavještenja o nabavci broj: 03-45-10732/23 od 31. 10. 2023. godine, koji će se dostaviti ponuđaču koji je podnio ponudu u predmetnom postupku javne nabavke.

Shodno navedenom odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 500,00 KM, a dokaz o uplati naknade podnosi se Uredu za razmatranje žalbi.

DIREKTOR

Belma Barjov, dipl.ing.arh

DOSTAVITI:

1. „M.D.I.“ d.o.o. Sarajevo
2. a/a